

貴州志稿

地 360

34.04

部 =

貴州志稿

貴州省圖書館複製

貴州志稿複製說明

貴州志稿，清乾隆初年貴陽潘文弼撰，今存「黔省開闢考」、「黔省功德名臣考」、「全黔苗獮種類風俗考」三卷，敘事止於乾隆四年。

現據北京圖書館藏紫江存素堂鈔本複製。對原本中部份明顯的錯字，已進行校正。凡經校改之字，在該字旁加有〔〕，並將原字註於附錄中，以供參考。

貴州志稿

複製說明

複製本如有不妥之處，請讀者提出意見。

貴州省圖書館

一九六五年元月

貴州志稿

卷一

黔省開闢考

卷二

黔省功德名臣考

卷三

全黔苗獮種類風俗考

貴州志稿

貴州志稿卷一

黔省開闢考

昔禹定九州黔為荊梁之邊陲同三吳楚蜀皆未得通中國黔尤鄙遠開闢最後於商曰鬼方於周曰靡莫戰國時楚將莊蹻略地至於且蘭始附楚張儀欲以商於易黔中即其地楚滅併於秦為黔中郡黔之名始於是乎見漢武帝元鼎六年平西南彝置牂牁犍為越雋武陵四郡犍為隸蜀越雋隸漢武陵隸楚牂牁則黔地也

貴州志稿

卷一

一

蓋以牂牁江得名云晉益興古郡其地即今之安順府隋為巴東黔安清江明陽四郡唐貞觀十六年拓其地置牂牁播珍等州屬黔中劍南二道採訪使其時所謂黔中者皆思南思州黎平鎮遠都勻石阡之附近楚蜀者貴陽不與焉五代時楚王馬殷遣八姓帥率邕管柳州討兩江溪洞留兵戍之遂各分據號八番是為今之定番州宋至道三年分隸荊湖劍南之三路宣和元年以田佑恭加貴州防禦使嘉定庚午以



宋永高陞貴州經略安撫使至今驗稱貴州實
本於此元憲宗時於矢內附至元十六年西南
八番羅氏等國亦內附置八番羅甸等處宣慰
司以蒙古人為元帥置府貴州彈壓之十七年
大兵討羅氏鬼國十九年以降彝八番金筑百
萬皆為郡縣置順元路金筑府領其事二十
年討平九溪十八洞並置郡縣立總管府俱聽
順元路宣慰司節制其時開設流官實同羈縻
無城郭田賦之制無鄉會賓興之典猶然荒服

貴州志稿

卷一

二

陞區也明初分隸滇楚西蜀三省洪武四年蠻
長密定等舉土來附置貴州衛五年命江陰侯
吳良等平古州等蠻是年置永寧衛八年置黃
平所十年命安陸侯吳復討普定阿買寨十四
年命穎國公傅友德為征南將軍征討雲南還
定貴州之普定烏撒等處置普定烏撒兩衛十
五年開設屯堡築貴州省城設貴州都指揮使
司領各衛所以重臣汝南侯權其事卒以平涼
侯費聚署理是時紀綱初定十六年置普定軍

民府置都勻安撫司置永寧州改習安州為安
順州置畢節衛十八年思州苗叛命信國公湯
和為征虜將軍周德興副之帥師從楚王洪武
子平其地洞蠻吳面兒寇古州復命信國公從
楚王勦平詔楚王還國十九年春長興侯耿炳
文偕穎國公傅友德帥師討雲貴諸蠻夏六月
穎國公討平平越麻哈二十年靖寧侯葉昇普
定侯陳桓討東川普定諸蠻平之勅諭屯田於
畢節等衛二十一年東川蠻復畔以西平侯沐

貴州志稿

卷一

三

英普定侯陳桓俱副征南將軍穎國公帥師平
之仍命普定侯屯田畢節宋國公馮勝鎮永寧
二十二年狼洞黃平苗叛穎國公移師討平之
置赤水興隆安莊三衛平普旦阿資馬乃置普
市所二十三年命延安侯勝宗討平貴州叛苗
置新添龍里威清安南平壩清平六衛改都勻
安撫司為都勻衛二十四年鑿永寧河二十五
年命越雋侯俞通淵征古州洞蠻命都督王成
通貴州道路二十八年貴州蠻阿榜曹寧等司

貴州志稿

卷一

四

叛守將夏國公顧成討平置貴州前衛三十年

三十一年分命夏國公顧成討永西楚王相

王相討古州都督楊文討清平黔陽平楚將軍

何福擒永寧蠻十八加如討畢節都司進征五

開諸蠻悉平永樂成祖即十一年叛苗田璘通鑑

作田宗鼎伏誅罷羅甸宣慰司置思州新化

黎平思南鎮遠名阡銅仁烏羅八府設貴州布

政使司二月辛亥始貴州於是始為專省補八

五鎮遠侯顧成討補十二年正月十三年改普

思州靖州叛苗庚寅思州苗平

安安撫司為州十八年設貴州提刑按察司洪

熙宗元年令貴州就試湖廣宣德宗宣元年詔定

雲貴兩省鄉試補宣德八年總兵官都督正統

英元年以木瓜麻嚮大華割屬金筑三年設安

順州流官補四年總兵官蕭授四年始命右副

都御父丁璿巡撫貴州六年添設屯田副使九

年置施秉縣十二年增雲貴解額五名十四年

邛水草塘爛土凱口諸苗叛陷思州都勻石阡

黃平思南等衛府總督侯璉率同副總兵官方

瑛討平補十四年十二月干驤為平蠻景泰帝

元年補三月保定伯梁瑋代王驥討貴州叛苗

破補五月侍郎侯璉副總兵田禮大破貴州苗

平之香爐山命保定伯梁瑋督征補九月巡撫

史王來總督湖廣二年韋同烈伏誅補四月梁瑋

平越苗獻是年始專設巡撫補七月普定永寧

梁瑋留軍討之四年二月五開清浪諸苗復叛

伯七年定雲貴鄉試三十名天順英宗復元年

大壩補三都掌蠻叛補三年南和侯成化憲二年

貴州志稿

卷一

五

兵部尚書程信督川湖雲貴四省兵討平打罕

州土蠻韋阿禮叛調泗成兵會勦平之四年增

雲貴鄉試解額十名八年裁巡撫十年置程番

府增雲貴鄉試解額五名十一年復設巡撫補

治宗四年爛土蠻叛五年副都御史鄧廷瓚率

師討爛土蠻六年置都勻府改印江司為縣八

年置麻哈獨山二州清平永從二縣增雲貴鄉

試解額五名十一年普安彝婦米魯叛執太監

楊友右布政司閻鉅死之置鎮遠縣十六年南

戶部尚書王軾討米魯平之正德武二年裁巡撫五年定雲貴鄉試解額五十五人是年復設巡撫六年平江津賊方四八年平卧龍司賊王倫十一年討香爐山叛苗不克十二年湖貴合師討平十四年芒彝寇永寧嘉靖初四年參將何鄉平之六年芒彝復叛仍以副總兵何鄉討平之十三年遷中左所于香爐山十四年定貴州鄉試解額二十五人開科本省節勞損費向學者日益多思南田秋之力也十六年都勻苗

貴州志稿

卷一

六

叛十九年金石司苗叛二十一年鎮遠苗叛陷石阡府執推官鄧本中官軍前後討平二十五年增貴州解額五名二十七年羅番龍受祖叛苗賊龍許保陷印江縣二十九年銅仁苗陷思州知府李允簡死之三十年置銅仁撫苗通判三十一年平金筑叛苗阿季是年設湖川貴總督駐沅州節制三省隆慶初元年改程番府為貴陽府益以金筑平伐二司從治省城首郡既設規模冠冕矣萬曆初三年平者茅苗立宣威

崇十四年以程番府舊治置定番州十九年置
新貴縣二十四年遷貴陽府學於北關二十六
年置銅仁縣二十七年文林蠻叛播賊寇平越
殺都司等官復寇東坡寇龍泉寇烏江參將以
下多死之賜總督李化龍劍令便宜從事二十
八年貴撫郭子章及督臣李化龍湖撫支可大
誓師討播楊應龍自縊死餘黨悉平以其地設
平越遵義兩府湄潭甕安等十縣遵義府轄遵
義綏陽正安仁懷五縣隸於蜀平越府轄平越

貴州志稿

卷一

七

甕安湄潭餘慶黃平州四州縣以龍泉縣石阡
府隸於黔二十九年貴撫郭子章如鎮遠會楚
師粵師協剿皮林三十年文安順州為軍民府
三十一年奢氏續叛三十二年奢賊平改水德
司為安化縣詔征西路水銀山等苗三十四年
征東路苗三十七年紅苗陷印江縣典史邵士
元死之三十九年置廣順州四十二年加貴州
廣額二名四十四年平定番狎苗天啓熹二年
春二月水西羅鬼安邦彥叛圍貴陽總督張我

續督兵來援十二月圍解城中餓斃者過半苗
猱之害于茲最酷三年進師六廣偏裨以下姚
盱等二十七人死之路紅夷據澎湖貴州官軍三
敗績於陸廣河是年十月巡撫王三善勦水西
王三善勦水西屢破賊至大方四年巡撫王三
善督戰為逆賊陳其愚詐降遇害自正月王三
善遇伏被同時死者參將以下百二十餘人御史
傅宗龍疏請赴黔討賊詔命以巡按監軍安邦
普定右參政陸夢龍偕總兵黃鉞以三千人禦
之直前薄賊賊大敗三山苗叛思州告急夢龍
夜遣中軍吳家相進搗賊巢搗苗鼓五年巡按
聲振山谷苗大奔潰焚其巢而還

貴州志稿

卷一

八

傅宗龍擒其愚誅之進師鴨池河敗績總兵魯
欽沒於戰賊正月總兵魯欽劉超自織金旋師為
雲貴討安邦彥六年進師至楊家海不克崇禎
繼元年川貴合師會勦總兵官侯良柱許成名
斬安邦彥於永寧二年建上衛連雲等十一城
詔命貴州四川雲南合兵討水西餘黨三年安
賊乞撫疏聞許之四年置開州設數勇鎮西二
衛修文息烽赫聲濯靈于襄威武定南柔遠詰
戎等九所十五年增貴州鄉試二名十六年即

宣慰司舊學基修新貴縣寧開州神苗叛陷州城知州黃嘉萬死之終明之世叛復不常大小百十餘征討關地十郡州縣二十有一衛十八所十戶九遂為十三省之一至我

本朝

德威所及無遠不服

世祖章皇帝

順治十五年命經略洪承疇率師取貴州十六年定鄉試額數十七年通黃平水運馬乃苗叛平其

貴州志稿

卷一

九

地置普安縣

聖祖仁皇帝

康熙三年水西羅鬼安坤叛命吳三桂討平之以其地水西為黔西府比喇為平遠府大方為大定府烏撒為威寧府烏撒衛仍其舊五年平都勻四衛誅隴安藩十一年改龍里平越清平都勻四衛為縣裁安莊衛歸鎮寧州裁黃平所歸黃平州裁新平所歸普安縣十二年廣順州苗變殺吏目蔣士璘二十二年改黔西平遠二府為州割

湖廣鎮遠偏橋二衛歸黔二十五年從土司韋
有倫等以其地入永從縣二十六年改貴前二
衛為貴筑縣數勇衛為修文縣以修文濯靈息
烽于裏四所益其地裁新添衛歸於貴定縣隸
於貴陽改威清鎮西二衛為清鎮縣益以赫聲
威武二所改千霸衛為安平縣益以柔遠所改
安南衛為安南縣裁普安衛歸並普安州裁定
南所歸並普定縣裁安龍所歸並南龍廳隸於
安順改大定府為州改永寧軍節二衛為縣裁
普市所歸永寧裁赤水衛歸畢節裁烏撒衛歸
威寧俱隸威寧府裁興隆衛歸黃平州隸平越
府三十四年並新貴縣於貴筑

世宗憲皇帝

雍正二年改湖廣玉屏清溪天柱開泰錦屏五縣隸
黔三年巡撫毛文銓討定番叛蠻擒賊首阿匹
斬之四年威寧鎮總兵官石禮哈帥師討定廣
蠻五年討古州郎岱朱牛鄭旦生苗設古州兵
備道古州理苗同知清水理苗同知清江理苗

通判師公同知置永豐州置荔波縣改東路由
柳楊駟達楚改遵義合屬隸貴州八年改南路
越鐵鎖橋由普安州達滇十年古州逆苗復叛
巡撫元展成發兵勦捕傷副將以下十餘人署
提督鶴慶鎮總兵官師討平之提督哈元生
至自京平其餘黨十三年古州苗陷黃平清平
等州縣

世宗憲皇帝下詔罪己經略張公廣帥川湖貴粵滇
五省兵討平斬首萬餘進張公總督設古州鎮

貴州志稿

卷一

十一

總兵官清江協副總兵官鎮其地千百年苗患
至是一靖守其土者總督暨監司大員外設貴
陽安順十三郡太守定章等處十四州刺史貴
筑貴定三十三縣邑令科取士四十四人登進
士者十二三名不等聲名文物埒於中州矣
論曰黔處萬山中土不厚於西北財不富於東
南而其一則在所必開三代以前詩懲荆舒何
有於黔以秦吳楚爭盟中夏黔日內近漢高龍
飛吳楚之國而其財賦又十倍於他郡國黔實

隣之卧則鼻酣何以安吾民於衽席况捷為越
萬祥荆皆古西南彝犬牙相錯遠無黔則扼其
吭蜀無黔則掣其肘一隅之不靖聖天子之憂
也此歷代所為羈縻高之前明百戰鬪之我
朝禮樂征伐多方定之不則竭其土之所納不足
以供本土之用歲糜餉動餘萬計其何利於
黔而鬪之者惟是鬪之非難撫之為難未鬪則
化外之彝也既鬪而生聚吾民於其地不為之
策其萬全是何異搗羣虎之巢而置吾赤子於

其穴何不為之爭食也安苗自濟火為功于蜀
代封重爵雄長諸蠻播賊自楊端應募平南詔
世襲唐職閱五代宋元至明橫踞播珍誠所謂
夜郎自大餘苗類皆野性難馴周知法紀一旦
削其土地治以流官虎視耽耽俟隙而動遑顧
問哉前明盛時於鎮遠黎平各要害皆設兵戍
之正統中以麓川之役撤回戍兵諸苗遂得深
入陷沒我城池殺戮我官民終明之世叛復不
常苗性固難馴亦謀國者之疎也周書曰國無

三年之蓄者亡蘇秦說趙稱其粟支十年明天
啓中安苗叛圍貴陽未匝一載而城中餓斃者
過半有備無患之謂何遂至坐困若此今黔無
不闢之地無不化之苗古州清江皆設重鎮仰
見

朝廷碩畫遠過前明其熟苗之在我肘腋間者徐
徐化導廣儲天庾以圖久安長治之術將見風
氣日厚富庶有加枕漢帶蜀可作屏藩金錫丹
砂足資國用亦西南一大要都也安得深謀遠

貴州志稿

卷一

十三

慮仰體

國恩盡如今之賢執事者